

苕溪集卷第三十九

外制

修武郎曲慶祖等差充陝西六路宣諭司
幹辦官先次各轉一官

勅具官某朕以全秦之地久隔王靈肆命近臣宣道
至意尔山西將種世濟忠孝其佐而長往殫厥勤序
進一官以為尔寵可

左承務郎程邁差充趙士儂祇謁陵寢屬
官先次轉一官

勅具官某朕念陵寢汎掃久稽肆命宗英往祇厥事

尔等咸以方選往佐其行序進一官以為尔寵可

右朝請大夫直徽猷閣李弼孺可落職永不與堂除差遣

勅具官某尔曩以愆尤事存白簡台從閑散枚拭使令於汝厚矣遜夷急病古有格言就易辭難誰不樂此削籍內閣以戒妄庸可

張宦駕部郎中

勅具官某文昌政事之本而郎官上應列宿其選甚高非一時真才不以輕授尔問李諒洽行義潔修台實周行傳司輦乘輿馬之政事簡職要所以優賢尚

其勉之可

馬延之大理寺丞

勅具官某刑者例也一成而不受故君子盡心焉汝志行清修卓尔不群肆命汝為廷尉之屬惟明克允無失厥中則予汝嘉可

宋輝復祕閣修撰除京西路轉運副使

勅具官某畿甸之右都邑相望賦入浩繁雄視他路軍興以來政令廢格謳吟父老思見漢官必得慈惠明察之臣省觀風俗問所疾苦布宣德澤以慰斯民朕心庶幾焉以尔才任撥煩用罔不濟忠能體國事

靡辭難復陞論揆之華命摠輸將之寄佇觀成績副
有褒寵可

郭浩除龍神衛四廂都指揮使陝西宣諭
使

勅朕眷惟秦隴久隔王靈通好殊鄰既有息民之約
可無庸使往宣問俗之恩具官某義勇冠軍精誠許
國奮由將種能襲世勞願契濶以淹時豈懷歸之不
欲今朕有命惟爾克將慰父老之謳吟道朝廷之德
意俾皆諭指宛若親臨爰陞環列之崇用侈輶車之
寵是為異數毋或留行可

樓焯除兼侍讀

勅朕長育英才真之華近將使左右前後罔匪正人
從容帷幄之間紬繹聖賢之蘊謂天下之樂無以加
焉具官某諒貫六經沉涵百氏淵源所自不愧古人
仰惟

祖宗垂裕後嗣具存謨訓奉以周旋爰資誦說之明
以發見聞之蔽益者三友非汝而誰可

蕭振兼侍讀

勅朕思得耆艾魁壘之士寘諸左右考稽疑義敷繹
古今究治亂之所以然如漢虎視故事增其所未聞

信其所已得願黃卷中自有樂地不可忘也其官某
養氣邃深植學淹貫周知事物之變盡見聖賢之書
用以談徑宜探蘊奧勸誨之任舍爾其誰尚思切磨
之工以副簡求之意可

趙鼎知泉州

勅朕履運艱虞省躬祇懼默通上帝旋聞悔禍之期
嘉與斯民共享消兵之福肆頒慶賚均逮臣工矧予
舊弼之賢敢後拜州之寵其官某器宇剛特謀猷靚
采通達事機夙負敢為之略執持魁柄既更再入之
榮方注意以仰成遽露章而引去眷泉南之名郡實

閩嶠之奧區分此顧憂莫如宿望噫朕任四方父母
之責念慈惠之當先尔居千里師帥之隆宜德威之
並立益恢治具無俟訓言可

程邁磨勘轉左朝議大夫

勅國朝稽虞舜考績之規參成周計吏之法雖黜陟
誅賞不由此途而階秩序進三歲聽遷一定而不易
抑無所私焉其官某法從老成才德俱茂揚歷中外
問譽蔚然會課三銓就官一列茲亦知勞之賜豈唯
閱日之勤往哉欽承毋墮乃力可

李寀廣西提刑

勅具官某御史出使布宣德澤廉察吏姦求民之瘼
威聲所暨山嶽可搖爾頃以才稱旋見錄用遣臨江
右綏靖寇攘而乃督戰無謀亡失吏士肆命爾更使
一道按刑嶠南察民之寃除其殘虐則惟爾敢毋重
愧焉可

潘全合等轉官

勅具官某爾等如仰王明奉琛效順有嘉其意序進
厥官往其欽承益思自飭可

朱敦儒除秘書郎

勅具官某漢家得人之盛史氏所稱考之於事猶有

恨焉廷有大議諸先生莫能言盜發境外見大夫無
可使豈亦儲養之不豫哉朕自艱難以來首開冊符
以收衆俊庶幾人才之用比隆於古爾老於文學器
度不浮丞郎位高實治省事簡求其祿僉曰汝宜尚
勵爾修以須採擢可

吳彥章除太府寺丞

勅具官某太府掌貢賦之事受其貨賄之入以時出
之丞視列卿之屬其任惟劇以爾才識精敏無施不
宜召自乘輅還歸班著往佐而長益懋乃猷可

陳賓卿太常博士

勅具官某列屬奉常為時遴選蒐補禮文之缺導揚
外降之儀以爾問學淹該論議不苟俾居厥次必有
可觀尊爾所聞見之行事可

張澄除徽猷閣直學士依舊知臨安府

勅眷惟帥守視古諸侯德施于民禮有加地進律之
賞效見於事之有增秩賜金之文匪惟勸功亦以久
任且使斯民服習其政而知所畏慕者也具官某沉
靜有斷疏通不浮敏於吏能被以儒雅惟警蹕之所
駐類京邑之浩煩人所謂難爾獨甚暇採諸輿論益
簡朕心躡陞延閣之華仍畀左符之重知勞而授有

榮耀烏尚寬廸心以圖稱塞可

林叔豹除江東運判

勅具官某使者之任寄朕耳目號稱外臺維持紀綱
以肅所部若御史執法曰臨其前姦欺屏息菓敢孽
芽則雖四方萬里之遠朕可以無憂矣况於途乎爾
文學志行自革古人攬轡澄清不待多訓轉輸之責
邦計是資爾尚勉之江吳壤連朕聽不遠將於是觀
政焉可

苔溪集卷第四十

外制

趙彬除左正議大夫徽猷閣直學士充環慶路經畧安撫使

勅朕東巡吳會西顧陝關痛疆事之繹駘念遠臣之
睽隔逮此輿圖之復始聞音驛之傳可無渙恩昭示
至意具官某負絕群之器茂經遠之才身蹈險艱歲
月滋久心存丹赤始終不渝仰周室之中興幸漢官
之復見封章首至誠悃昭然茲用款嘉載頒寵賚總
一道兵民之壽叅五閣英俊之游於爾有光豈予敢

各噫以安以治在威德之並行惟孝惟忠見君親之
兩重祇服明命益懋壯猶可

劉昉除祠部郎官陶愷除金部郎官

勅具官某朕簡求實能分任庶政爰重諸郎之選以
清列宿之行爾等才識之優論議之懿見于已試有
聞甚休茲錫贊書以尔昉治邦礼以尔愷治邦財尚
勉之哉無忝朕命可

王松改轉敦武郎

勅具官某爾奮身戎行以勞見錄侍陞官秩是日異
恩益勵後圖無羞朕命可

樓炤磨勘轉左朝奉大夫

勅朕操入柄以馭臣用三載而考績爰定進階之典
以為經久之規凡厥有官率由此道具官某識洞今
古學通天人擢自時髦偏義要路更而禁腹心之重
司內朝典冊之嚴會課三銓頗念服勞之久進官一
列茲惟錫命之新益懋猷為嗣有褒寵可

樓炤除端明殿學士簽書樞密院事

勅天武地文所以妙生成之化左仁右義所以行威
德之權深惟撥亂之原是在本兵之地体隆參佐位
重疑丞敷求得人茲朕有命具官某博學大篤實疏通

敏明學博古而達今氣絕群而邁往蹈復聖賢之域
從容禮義之間大冊高文悲出其手崇論弘議有補
于時力佐中與功居十半蔽自朕志中錫賚書爰陞
祕殿之華進貳樞廷之重併加徽數庸示寵私噫
公在朝已覺強藩之悔過于木為政豈止諸侯之息
兵尚殫不貳之謀以永無窮之聞可

陳掬除福建路轉運副使

勅具官某朕惟在昔之君為官擇人非特量才授職
而求其稱焉抑威惠所加一方之人素所服習而愛
慕畏仰之則令行禁止暮月而已可也况于久乎尔

文學行義照映朝紳鄉自近班出臨閩部越數歲矣
民思之若久毋然朕于是知因任之道莫此為先惟
時將輸肆復命汝庶幾毋乏吾事且慰彼民尔往懋
哉可

吳表臣兼侍講

勅朕承

祖宗之貽詞紹金華之絕業爰開經幄燕見近臣細
繹至言考質疑義庶幾誦習之樂與予大夫共之以
尔具官某行如古人學探聖域論議雅奧實獲我心
是用陞尔勸讀之官益廣舊聞非但舉行故事而已

爾其懋哉可

馮檄兼侍講

勅天子之學謂之大學自知至格物誠意正心推而上之至於明德於天下非但離文析字分別異同類章句儒而已也以爾其官某行能高潔不替家風論議淵源率有師祖錫以贊書之寵俾參帷幄之榮惟爾敷繹所聞見之問辯庶幾三道之要有開朕心豈不韙哉可

崇奉 凡筵內人掌字邢念二轉典字紅霞帔岳不惜陳榮奴陳慶惜劉伴見任嘉

奴王大娘等並轉掌字

勅掖庭之選必自良家女御之負寔參內始爾等率義蹈憲溫而有儀相予誠孝之思不失褒恭之指就陞秩序是用勅勞祇服寵榮尚圖稱塞可

蔡延世任大平州通判修復官私圩田增收到租米七方九千八百六十三石奉

聖旨轉一官

勅其官某朕惟農夫下之大本民所恃以養生者也故卿者下營田之令督勸農之官且察其勸惰而當爵加焉爾奉朕恪虔績效著見進階一等以示寵榮

尚其勉旃服此明訓可

宋焯改除應天府路轉運副使依舊權京
畿都轉運使

勅具官某朕惟與王之都郊圻十里自更戎壘田
萊多荒今輿地之來歸想遺黎之鼓舞乃命盧使周
爰咨諏爾簡易純誠濟以精敏荐膺試用厥聞甚休
往敷及物之仁毋墮觀風之職至于將輸之事爾所
習焉惟既厥心嗣有褒寵可

李利用除河南府路轉運判官

勅具官某畿右一道分隸陪都異時浩煩弊于兵賦

既周星紀版圖復歸敷求忠信之良徃布惠綏之政
以尔性識警敏達于事机屬忘激昂行不擇利茲用
付以輸將之任爾其懋哉俾利疚日聞姦欺屏息擗
鼓不鳴于閭里遺黎自勸于耕桑而公私無匱急之
憂則予汝嘉是曰稱職可

右道直郎權尚書刑部侍郎陝西宣諭使
周聿磨勘轉右奉議郎

勅朕以官職之事煩于大夫用之則以公待之則以
怒故于三歲進階之典苟無過咎則不棄焉而况宣
力四方者乎具官某執義甚堅履身有道服勤王事

靡敢辭難載稽積日之勞乃應序送之格雖非異數
庸示至懷尚體訓辭更思後效可

武經大夫兼閤門宣贊舍人侍衛步軍司
統制軍馬武廷依赦書內指揮轉一官

勅其官某爾有位于軍服勤既久肆因慶賚俾進官
聯尚勉之哉無忘報稱可

右武大夫魏俊換給付身

勅其官某爾有位于軍服勤既久載稽功伐錫以命
書尚體訓言更圖未效可

謝祖信除權吏部侍郎

勅朕於寔書求知人任使之道而得兩言曰敷奏以
言明試以功而已然後知言之足以觀人也審矣而
况見之行事者乎其官某學探古今之秘識窮事物
之幾奧自簡知再為御史抱絕誠而不貳嫉姦惡其
如仇朕用嘉之擢登法從之職授以天官之副匪特
以為寵也銓總之任條目至煩弗究其原則予奪之
公或亂于可否之似朕於此誠功烏尔其懋哉可

陳規知順昌府

勅穎陰天下名郡異特牧守多名鄉賢大夫善政流
風猶有存者詔令睽隔一紀于茲今輿地之來歸想

道黎之鼓舞簡求慈惠之長往敷布濩之仁以尔其
官某性本純誠才兼文武忠于許國說以使民錫之
左符綏厥舊俗庶幾底績有當朕心書云不剛不柔
厥德允修尔其懋焉可

廖剛磨勘轉左朝請郎常同轉左朝奉大
夫

勅朕承奕世之貽謀遵有虞之遺法克施庶政執兩
端而用中以馭群臣率三載而考績爰立序遷之典
是為經久之規具官某自絕特超詣之才懋薦實深
醇之學升華法逆為特老成載稽積日之勤乃應進

階之格雖非異數庸示不忘尚勵遠猷以須後壻可

晏敦復寶文閣直學士知衢州

勅侍從之臣入則獻可替否效論思之益出則承流
宣化躬扞城之勞蓋其志在于國家而不在于其身
則朕之所以委任責成與待遇優禮之意亦未嘗有
內外之間焉具官某養氣純全執義堅固奧微簡拔
龜勉事功疑居封駁之司再領銓衡之任果 健決
初無所私朕允茲耆艾之謀未覺歲時之久抗章引
疾慨莫得留爰陞延閣之華仍畀左符之重衢當孔
道股肱行朝尔見吏民宜敷惠澤俾民服朕化吏畏

爾明則為稱賊尚勉之哉可

王師心大理寺丞

勅具官某廷尉列屬議法持平非忠恕明允之士弗
以處也者擇之際僉曰汝能尚其勉之可

苕溪集卷第四十

苕溪集卷第四十一

外制

單孝忠昨權提舉河東常平日因賊圍大
原守禦城陷死節報國追贈五官與兩子

恩澤

勅具官某昨者寇犯大原爾以部使者屬兵扞格與
城俱可報國以身英風可想得其死矣復何憾焉錫
以命書畀官五等并錄其子尚死鑒茲可

鄭剛中充陝西宣諭司叅謀官李若虛參

議官

勅具官某朕惟閩陝之民思見漢官閱日既久肆命
近弼往諭至懷惟時官僚實出遴選尔智識之明論
議之偉從容卅所李若虛云譽處甚休其為朕行往
佐而長進官一等庸示寵私可

江少虞等充宣諭司屬官

勅具官某朕念三秦父老思漢謳吟為日久矣肆命
近弼布宣王猷諭道德意一時僚屬考擇異能尔等
咸以未稱見謂通敏進階之典用寵其行尚其勉之
可

王師韓穆平曹雲葉光宗有黃汝勵並充

准備差遣

勅具官某弼臣將命自擇從行進秩之榮為爾光寵

簽書樞密院事樓炤封贈三代并妻

曾祖贈職方員外郎闕可特贈正奉大
夫

勅朕敷求哲人與之共政既進服大仕推本其先寵
逮三世蓋國之典也具官某曾祖贈職方員外郎某
秉志純萬行義甚修含光韜華初則未耀蓄積之慶
溢于後人是生曾孫博大明敏用勩相我家以宏貴

爾宗肆朕陞爾位秩于正三品俾告幽泉後而有靈
服此休命可

曾祖母永昌縣大君吳氏可特贈恩平郡
夫人

勅人之為善在隱約幽閑之中知自信而已不知有
他日之報也譬彼服田我度我荒既臻于成乃富厥
藏誰欲謝之其可得乎其官某曾祖母永昌縣太君
吳氏言行無疵禮儀有度克相君子肇開慶基有嘉
曾孫為朕哲輔圖任之始用錫渙恩正位小君疏封
大郡光靈未泯尚克鑒茲可

祖贈金紫光祿大夫

勅士有率義端禮以律其身強識博聞以昌其業而
位不稱德實浮于名流澤之長乃在後嗣較其所得
孰寡孰多其官某祖贈金紫光祿大夫某儒學起家
休有問譽飲水屬志清長人知然職不越州縣祿不
過下大夫再世而昌自遠有耀惟時聞孫作我良弼
願大之慶于茲鼎來朕於是知為善之報弗克躬享
固未為不幸也東宮之孤秩視二其告于幽隧用慰
爾靈可

祖母華原郡夫人郎氏特贈永寧郡夫人

勅為善之報不差毫髮而耳目所及則有遠近故議者惑焉其官某祖母華原郡夫人郎氏婉孌肅恭動合禮法流慶之遠在其賢孫登用之初國有彝典疏封大郡申錫寵章嗚呼亦足以少慰矣可

祖母宜人葛氏可特贈德陽郡夫人

勅女子之行石於幽閨所不得聞也逮其積累之厚天亦以陰報之慶之所鍾再世乃大豈非竦而不失者乎其官某祖母宜人葛氏冲靜儉勤不越壺則啟相後裔秉執事樞爰疏大郡之封肇正小君之號告爾私廟以為閭里之榮不亦休哉可

父見任右通議大夫致仕居明可特封右通奉大夫致仕

勅朕惟前代盛王靡不尊德尚齒以為風化之原故予耆艾之莫上大夫之貴去位而家居者則肅然幕之見於言色况其有子位列弼臣為朕倚毗者乎其官某父右通議大夫致仕某修身為君子之儒賦政得古人之祕潔廉厲操有若冰霜公怨臨民具存矩範挂冠神武自樂丘園亦既久矣尔子某以忠恪輔朕秉執事樞謀謨之良悉由義訓逮茲圖任之始敢後褒崇之恩申錫贊書進階一列惟尔備福鮮其比

母碩人范氏可特贈碩人

勅人子之于親皆欲極報崇之典然出身事主遇合實難非其志行之修自致通顯未有無所恨為者也其官某母贈碩人范氏柔順祇肅表于宗門克相其夫不愆禮義遺澤所遠有此悲人既進位于樞廷並侈大子厥冢申錫愍章為尔光寵神靈如在其克欽承可

母碩人歐陽氏可特贈碩人

勅朕惟明倫善俗孝為之本因心廣愛政之所先願

所与二三大臣共圖風化未嘗不垂意於斯焉至于褒崇其親在與礼所當然者朕其敢有爱乎哉其官某母碩人歐陽氏婦順母慈儀于宗黨復行之懿久而弥芳是生室臣光輔國家獨尔得遂偕老之宜共南陔之養朕心憫焉申錫命書告于幽局用侈尔有子之榮亦昭我得賢之慶可

妻淑人林氏可特贈宜春郡夫人

勅朕登進真賢儀刑百辟觀厥身修之懿識其内助之由故鵲巢之風有禪政化而象服之美宜昇德人儻其命之不淑弗終顯崇碩豈得無恨哉其官某妻

淑人林氏稟質惠和出于合族作配君子率義不逮
雖志行日修而壽祿小靳疏封名郡正號魚軒豈但
奉褒崇之章庶幾增伉儷之重淑靈不泯歆此異恩
可

李崇特改合入官

勅具官某尔留都之屬以戚入覲敷奏所聞有嘉其
勤驟進秩序誰然朕之恩汝亦數矣其思所以報焉
可

李孝恭充樞密府提舉一行錢糧事務先
轉一官

勅具官某弼臣將命遠適奉闕惟尔從行實以才選
進官一等是用勸勞可

呂頤浩除少傅依前鎮南軍節度使成國
公致仕

勅者太公九十秉施仗鉞猶未告老蓋古之大臣出
將入相以未下之重自仕者身雖老而志愈篤不以
退為高不以大夫引年之禮自列也若其不幸嬰于
疾疾以筋力為請則人烏能強之哉具官某輔朕初
載遭時多虞憂勤百為終始一節屢即齋壇之拜再
登鼎鉉之司位與年高功唯德祿適故疆之來復惟

元帥之是謀方資衛社之忠遽上乞骸之疏察其誠
悃匪出偽為朕不敢以室賊之事煩焉進秩一等擁
節歸榮其近藥物專精神以自輔俾爾壽域尚有後
涯可

武功大夫黃仕成修武郎白彥志秉義郎
崔佺自川陝前來 行在殺下機密文字
各與優異推恩仕成與遙郡刺史白彥忠

崔佺轉一官

勅具官某朕惟閔隴久隔王靈遠茲音驛之通盡襲
漢官之舊爾馳驅長道入奏囊封有嘉其勤錫以書

命陞刺列郡是為異恩並勵爾忠以圖稱塞可也
崔彥
進官秩

路允迪除知應天府兼充南京留守

初關伯之墟肇興王業留鑰之重属于大臣粵自多
虞遺黎久隔及茲十稔輿地始歸簡求慈惠之師布
宣寬大之澤具官某學探聖賢之蘊識窮事物之幾
被過兩朝嘗膺寵任逮朕初改再秉事樞志已熟于
功名身自安于閑曠眷爾土鄉之舊頗更戎壘之餘
柔梓相望里閭未改惟風俗之既稔庶教條之易享
其體至懷勉恢治興可

陳淵陳確除監察御史

初具官某御史列職皆耳目之官非胸腹有治典之
以廣朕聰明者弗以授也尔淵論議堅正享有家法
尔確執義退然蓄養遽深朕得於所聞審矣文昌云
属政事出焉伴其稽違慢命者以告于上而賞罰之
尔之戩也尚其勉之可

苕溪集卷第四十一

苕溪集卷第四十二

外制

孟庾除知河南府兼充西京留守

勅入闈機政參帷幄之籌出殿方維居牧伯之任我
圖舊德用錫寵章具官某氣稟夫全識周古變履險
挺不渝之操事君懷盡瘁之忠更踐居多聲猷益茂
頃辭輔郡均佚真祠眷言西雒之雄宴處神州之右
留鑰之寄属于大臣帥聞之嚴茲惟重地當風塵之
初靖念條教之未孚資尔老成為朕卧護噫吏以循
良為祿戩政以平易而近民捐摩凋瘵之餘宣布惠

綏之實祇荐休命適觀厥成可

武功大夫李懷軍中探報有功特除遼郡
刺史

勅具官某鄉者疆事繹騷爾謹候人之戢功宜受賞
久乃未伸郡刺之榮是為異典往其祇服並勵後圖
可

臨汝軍等處差來投進表章等兵郭思溫
成謹龔宥各轉一官仍支賜錢若干

勅具官某爾等奉章詣闕跋履甚勤進秩賜金以為
爾寵可

鄭高除宗正寺丞

勅具官某司宗之臣摠攬名籍佐朕博叙之政凡其
僚屬選任惟均爾智識敏明聞于朕聽俾居厥次以
觀汝能尚其勉之可

俞侯知揚州

勅具官某廣陵斗牛之區地控淮海為一都會自昔
守臣有連率之重以爾屢試煩劇才具有餘吏畏其
明民懷其惠肆以命汝蓋不惟其官惟其人之意也
爾其布宣德澤拊摩凋瘵使一方安爾之政則為稱
塞可

蔣璨兩浙運副梁澤民江西運到朱友仁
浙西提奔茶鹽鄭僑年江東提奔茶鹽王
榕江西提奔茶鹽

勅具官某朕經理中原費出尚廣惟是四方賦租之
入山澤之利以佐大農部使者實摠其事故于選任
之際所不敢輕尔璨通練敏明聞于朕聽尔澤民蒞
事不苟屢試有祿其為朕服輸將之勤勿愆于素尔
友仁尔僑年尔榕術業之茂咸有可觀通貨阜財惟
尔之責其祇若予訓懋乃戢守罔曰不克惟既厥心
書之戒也今朕亦云可

李擢磨勘轉左朝散大夫進封開國伯加
食邑三百戶

勅朕頒爵制祿以為天下之公黜幽陟明以為人才
之初由左右侍從之列暨中外小大之臣稽厥歲成
俾從序進具官某學探聖域大擅國華荐更兩禁之
嚴旋位六官之長辭榮丹陛均佚殊庭屬會課以如
勞宜懋官而錫命仍加徽數庸示眷懷毋怠尔修以
須後渥可

趙需知平江府

勅姑蘇望于東南壯哉郡也地廣民衆股肱王所共

理之責其選實銀非左右侍從之臣有慈惠明察之
譽朕弗以付之其官某學問邃深才識通敏歷練省
腹心之任佐中臺政事之司名實具孚未忘簡記剖
分符竹益試尔能川陸相望朕聽不遠庶幾治效期
月有聞尚勉之哉可

朱彪御史臺檢法官

勅其官某御史列屬從長官自擇于今甲舊矣以示
志尚清高才力強敏見於表薦人無間言欽厥攸司
以佐而長可

朱瀚吏部郎官賀允中倉部郎官邵相戶

部郎官錢葉兵部郎官

勅其官某文昌列屬居治教政事礼刑之職以佐其
長而施行焉區別戶分責任惟等以尔瀚才識超詣
已試有聞尔允中廉靖無營遇事勇決尔相有健敏
之譽尔葉有行義之稱錫以贊書各事其事書不云
乎切崇惟志業廣惟勤尔往懋哉毋棄朕命可

崔佺自川陝至行在投下機密文字忠

義遠來理宜優異特轉兩官

張倪既廷珪
詞云尔奉章

諸闕跋履良勞序
進一官以為尔寵

勅其官某尔奉章詣闕備見忠勤端進官朕錫以業

命於尔厚矣其尚勉之可

刘觀知瀘州

初瀘川望于劔南壤地沃衍控臨蠻徼委寄之重迭
任惟艱具官某文有古風季通今事項位六官之貳
仍更兩禁之嚴氣節凜然聲華藉甚我圖守帥僉曰
汝宜惟尔習於土風知民利疾布宣惠澤綏靖邊隅
行乎勉之毋墜乃力可

草土席蓋特贈五官依條与致仕遺表恩

澤

初生而有位于朝死則追賁其第此人臣之哀榮有

国之彛典也而况服在近列为朕股肱者哉具官某
季足以濟時文足以華國識足以見形于示兆辯足
以應變於無窮唾手而取功名俛首而拾富貴迴翔
要路被遇先朝属朕多艱入參機政智路幅湊風采
想聞繼出鎮於坤維旋遭罹於家禍孰云去位遂致
元身以彼其才何適不偶而天嗇之年弗与位称朕
心博焉于是知命有所制人力之不足恃也肆頒異
数超進文階流澤及其裔孫愍冊光于厚夜英魂如
在尚克鑒兹可

推貸務都茶場監管馬延之等推賞轉官

勅具官某尔等戡事告辦應于賞格進官一等是用
初勞尚勵厥修以須從渥可

岳州通判王觀國失收總制錢特降一官
勅具官某郡縣羨財佐國經費凡其出納蓋有司存
尔為州治中實掌斯事而漫不加省至于送遺使者
以聞各將誰執褫官一等姑罰其偷服我寬恩毋忘
自訟可

閻丘沂權吏部侍郎

勅吏部銓叙人品激濁揚清古之制也合也一切從
事于法無所變更察吏之欺而已然吏固不易察也

具官某忝行純幾智識明敏粵自臺僚進居宰屬揚
于歟戢守道不回爰錫贊書俾參禁路小宰之事尔
則優為惟公之以服人惟明足以見獨而予奪之例
不得以疑似見欺尚勉之哉無替朕命可

陳橐權刑部侍郎

勅惟我 祖宗以聖維聖好生之德無愧有虞肆朕
摹成惟刑之恤故于四方具獄未上未嘗不惕然動
容懼其濫及無辜以傷 列聖之德然則小司寇之
任誰可非其人哉具官某忝通而明氣遽而剛居家
有曾閔之孝為吏有龔黃之政朕聞之審矣居于宰

士閱日既多揖貳秋官僉言惟允其体朕至訓益究
乃心無使聲稱減于治罪可

王次翁中書舍人

勅代言之任古所謂難非以文辭之難也當善之言
煖然似春罰惡之言擊焉似秋俾朕心腹腎腸一見
于訓告誓命之間讀之者感于中而動于色知其悉
出于忠厚而無所私也于是為至難具官某季博而
有原志醇而才惑純茂萬寔遠師古人尔代予言天
下不以為欺矣矧其辭之工耶西掖邃嚴進班法浚
論忠之益抑有望焉可

林行聘起居郎

勅具官某柱史之職實記言動魏墓之善對褚遂良
之守官朕想間其風矣庶幾其有繼焉尔志行修潔
論議激昂更歷險夷執義弥固召從外服俾貳列卿
雖譽處之甚休念猷為之未究載頒書命進直殿均
勉追古人以祿朕意可

程克俊起居舍

勅具官某古之盛王設敢諫之鼓立誹謗之木与夫
近臣盡規瞽史教誨猶以為未至也而命柱史之官
託其言動且用自警焉嗚呼豈特為文具而已哉尔

問李遠深行義純固存更選任 設施進直塲均
退居鳶省儒者之過寵莫加焉尔况乃心朕思其称
無使直筆之譽有愧前聞可

解魁極給武德大夫 王信同

初具官某尔以舊勞既治當格申以書命其益知崇
可

曹固彦改正授承郎郎


初具官某尔奮身行陳嘗有顯勞載錫命書俾更秩
序尚思龟勉以称所蒙可

右儒林郎張綱省劄差往海州及東平府

幹事回特與改承奉郎

初具官某尔曩者啣命馳驅曾無廢事有嘉勤恪超
進官祗服異恩宜思振塞可

海集卷之二



卷之二